



Statuti i Organizatës për fëmijët pa kujdes prindor

Ky statut do të qeverisë shoqatën jofitimprurëse, **Organizata për Fëmijët pA kujdes Prindor**, të themeluar në pajtim me Ligjin Nr. 04/L-57 për Lirinë e Asociimit në Organizatat Joqeveritare në Republikën e Kosovës.

Neni 1

Emri, forma dhe adresa

1. Organizata do të quhet, **Organizata për Fëmijët pA kujdes Prindor**
2. Ajo mund të njihet edhe si **OFAP**
3. Organizata është shoqatë jofitimprurëse, sipas definimit të dhënë në nenin 5.2 dhe 6 të Ligjit Nr. 04/L-57 për Lirinë e Asociimit në Organizatat Joqeveritare në Republikën e Kosovës.
4. Organizata nuk do të bëjë shpërndarjen e çfarëdo të ardhure neto ose fitimi si të tillë për asnjë person. Pasuria, të ardhurat dhe fitimet e organizatës do të përdoren për të mbështetur qëllimet jofitimprurëse të organizatës dhe nuk do të përdoren për të krijuar përfitime të veçanta individuale, qoftë në mënyrë të drejtëpërdrejtë apo tërthorazi për asnjërin nga themeluesit, drejtorin, nëpunësit, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona bëjnë për këtë organizatë.
5. Çdo transaksion ndërmjet OJQ-së dhe një organizate tjetër të ndërlidhur, apo ndërmjet OJQ-së dhe anëtarëve, zyrtarëve, anëtarëve të bordit ose punonjësve të saj ndalohet, përveç, nëse organi drejtues vendos, pas hetimeve të arsyeshme, se transaksioni është në interes, i drejtë dhe i arsyeshëm për OJQ-në, dhe se OJQ-ja nuk kishte mundur të sigurojë marrëveshje më të favorshme me përpjekje të arsyeshme dhe brenda rrethanave ekzistuese.
6. Organizata mund të angazhohet në aktivitete ekonomike me qëllim të mbështetjes së aktiviteteve të saja jofitimprurëse, në pajtim me paragrafin 1.4 të këtij Statuti dhe nenin 4 të Ligjit për Lirim të Asociimit në OJQ 04/L-57, me kusht që të ardhurat e realizuara nëpërmjet të aktiviteteve ekonomike të shfrytëzohen ekskluzivisht për të arritur qëllimet e theksuara në këtë statut.
7. Organizata e ka zyrën e saj qendrore në Lagjen, Lakrishte SOL 1/ 3 Prishtine tel. 038/ 613-888.

Neni 2

Themeluesit

1. Themelues të organizatës janë:

1. *Ibadete Krasniqi - me banim ne Rr, Azem Jashanica Nr.14 Arberi II 10.000 Prishtinë /Kosovë.*
2. *Rudina Llapashtica – me banim në Lagjën e Spitalit 10.000 Prishtinë /Kosovë.*
3. *Hajrije Berisha – me banim në Fsh. Graboc i Poshtem, rr: Anamali, Fushë Kosovë. 12.000 Kosovë*

2. Kuvendi i Anëtarëve vendos për përfaqësuesin e autorizuar të OJQ-së, i/e cili/a përfaqëson organizatën dhe pranon të gjitha shkresat zyrtare në emër të organizatës. Ai ose ajo është përgjegjës për informimin e autoriteteve kompetente për çfarëdo ndryshimi në të dhënat e deklaruar në rastin e regjistrimit të organizatës.

Neni 3

Qëllimi

1. Organizata është themeluar me qëllim të:

- Mbështetje në zhvillimin e aktiviteteve të solidaritetit, dhe përkrahjes së fëmijëve pa përkujdesje prindore
- Mbështetje në promovimin e programeve që do të zhvillohen në nivel nacional duke u bazu në parandalim të braktisjes së fëmijut,
- Mbështetje në realizimin e programeve të përkrahjes psikosociale për fëmije dhe adoleshent pa përkujdesje prindore.

2. Për t'i përmbushur qëllimet e saj, organizata do të ndërmarrë, por nuk do të kufizohet vetëm në këto lloje të aktiviteteve:

-

- përkrahjes psikosociale për fëmije dhe adoleshent pa përkujdesje prindore.
- organizuar konferenca , seminare dhe takime me punëtorët social dhe familjet strehuese-mikëpritëse.
- duke realizuar kurse trajnimi me familjet strehuese-mikëpritëse dhe punëtorët social.
- duke organizuar iniciativa me programe të mbështetjes psikosociale për promovim të mbrojtjes së drejtave të fëmijëve
- organizuar aktivitete për mbledhje fondesh ku shërbimet do të jenë falas.

Neni 4

Anëtarësimi

1. Anëtarësimi në organizatë është i hapur për çdo person pavarësisht prej racës, ngjyrës, gjinisë, gjuhës, fesë, mendimeve politike ose të tjera, prejardhjes kombëtare a shoqërore, lidhjes me ndonjë komunitet, pronës, gjendjes ekonomike, sociale, orientimit seksual, lindjes, aftësisë së kufizuar ose ndonjë statusi tjetër personal. Për t'u anëtarësuar në organizatë, secili i interesuar duhet të pranojë Statutin dhe Misionin e organizatës dhe të angazhohet për përmbushjen e qëllimeve të organizatës.

2. Kuvendi i anëtarëve do të vendos nëse do të kërkohet pagesa e anëtarimit nga anëtarët. Në rast të vendosjes së pagesës së anëtarimit, Kuvendi do të vendosë për rregullat dhe procedurat e pagesës së anëtarimit, përfshirë marrjen e masave të ndryshme, deri në përjashtimin e anëtarit nga organizata në rast të mospagesës së anëtarësisë.

3. Anëtarësimi i ndonjë anëtari gjithashtu mund të përfundojë ose suspendohet me vendimin e Kuvendit të Anëtarëve në rast të: a) Dorëheqja vullnetare t'i komunikohet Kuvendit; b) veprime të cilat nuk janë në përputhje me qëllimet e organizatës mbrenda dhe jashtë saj, si dhe në ato veprime që janë pengese për funksionimin e mirë të organizatës. Në rast të suspendimit, kohëzgjatja e suspendimit do të përcaktohet.

Në rast të suspendimit, kohëzgjatja e suspendimit do të përcaktohet.

4. Përfundimi ose suspendimi i anëtarimit nga Kuvendi i Anëtarëve do të vendoset me shumicë të anëtarëve prezent.

Neni 5 **Kuvendi i Anëtarëve**

1. Kuvendi i Anëtarëve është organi më i lartë qeverisës i organizatës. Ai përbëhet prej të gjithë anëtarëve të organizatës.

2. Kuvendi i Anëtarëve ka përgjegjësinë më të lartë për politikën dhe çështjet financiare të organizatës. Në këtë kuadër, Kuvendi i Anëtarëve ka kompetencë të zgjedhë dhe të shkarkojë zyrtarët në pozita udhëheqëse të OJQ-së, të aprovojë raportet periodike financiare dhe të punës, të interpretojë dhe ndryshojë Statutin, si dhe të vendosë për bashkimin, ndarjen apo shuarjen e OJQ-së. Këto përgjegjësi nuk mund të delegohen në organet tjera më të ulta.

3. Përpos përgjegjësi të rezervuara që ka, Kuvendi i Shoqatës gjithashtu ka edhe këto përgjegjësi:

a. Përcakton politikat e përgjithshme dhe udhëzimet për Shoqatën.

b. Të zgjedhë anëtarët e Këshillit Drejtues dhe presidentin e saj.

c. Për të miratuar rregullat e mbrendshme.

d. Për të miratuar buxhetet e përkohshme dhe përfundimtar, dhe ti aprovoj raportet e nënpunësve, të miratoj blerjen e vlerës së aseteve fikse.

f. Të emroj përfaqësuesin ligjor të organizatës / Drejtorin Ekzekutiv.

g. Pranimin e anëtarëve të rinj.

h. Zbatimi i procedurave të largimit.

4. Kuvendi i Anëtarëve mund të delegojë ndonjë prej përgjegjësi të tij në organin tjetër udhëheqës të ndërmjetm, Këshillin Drejtues ose edhe të punësuar të organizatës, me vendimin e

shumicës së anëtarëve të tij, me përjashtim të përgjegjësive të cilat nuk delegohen sipas nenit 13 të Ligjit Nr. 04/L-57 për Lirinë e Asociimit në Organizatat Joqeveritare në Republikën e Kosovës dhe paragrafit 2 të Neni 5 të këtij Statuti.

Neni 6

Mbledhjet e Kuvendit të Anëtarëve

1. Kuvendi i Anëtarëve do të takohet së paku një herë në vit në Mbledhjen e Përgjithshme Vjetore (MPV) ku shqyrtohet dhe miratohet raporti për mjetet, detyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e organizatës për vitin e ardhshëm.
2. Kuvendi i Anëtarëve mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga *gjysma e anëtarëve* ose nga organet tjera të ndërmjetme. Një kërkesë e tillë duhet t'i drejtohet Kryesuesit të Kuvendit të Anëtarëve i cili do të lajmërojë për takimin të gjithë anëtarët, në pajtim me procedurat e përcaktuara në paragrafin vijues.
3. Lajmërimi me shkrim për MPV dhe/ose MPJ, duke përfshirë datën dhe vendin e mbajtjes së mbledhjes, së bashku me rendin e ditës për mbledhjen do t'u shpërndalet të gjithë anëtarëve së paku *shtatë* ditë para ditës së mbajtjes së mbledhjes.
4. Për mbajtjen e mbledhjes është e nevojshme pjesëmarrja e më shumë se gjysmës së anëtarëve. Nëse ky kuorum nuk arrihet në tentimin e parë, takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.
5. Secili anëtar i organizatës ka një votë në Kuvendin e Anëtarëve.
6. Vendimet në Kuvendin e Anëtarëve do të merrën me shumicën e anëtarëve prezent.
7. Asnjë anëtar i Kuvendit të Anëtarëve nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Kuvendit të Anëtarëve konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 7

Organi udhëheqës i ndërmjetëm Këshilli Drejtues

1. Bazuar në përgjegjësitë e dhëna me këtë statut, organi udhëheqës i ndërmjetëm *Këshilli Drejtues* duhet të veprojë çdo herë në pajtim me qëllimin e organizatës.
2. Këshilli Drejtues do të ketë këto përgjegjësi për aprovim
 - a. Të propozojë përfaqësuesin e organizatës.
 - b. Të zbatojrregulloren e brendshme dhe politikat e përgjithëshme të bera nga Kuvendi i anëtarëve.

c. Për të pregaditur buxhetin e përkohshëm, llogaritë përfundimtare dhe raportin vjetor për tia paraqitur Kuvendit të anëtarëve.

d. Të hartojnë programe dhe rregullat e procedurës dhe tia paraqes ato Kuvendit.

e. Të paraqes në Kuvend amandamentet e propozuara në Statut.

f. Përtë përcaktuara kompetencat dhe detyrat e cdo zyrtari që do të votohen nga kuvendi

3. Këshilli Drejtues zgjedhet nga Kuvendi i Shoqatës. Ata do të zgjedhen individualisht me shumicë të votave nga anëtarët e pranishëm. Mënyra e zgjedhjes dhe rregullat e punës së anëtarëve të Këshillit Drejtues mund të rregullohen me një Rregullore të veçantë për punën e Këshillit Drejtues, e cila aprovohet nga Kuvendi i Anëtarëve me shumicë votash.
4. Këshilli Drejtues do të ketë të paktën 5 (pesë) anëtarë, Kryetarin, Sekretarin, përgjegjesisin për financa dhe dy anëtarë tjerë.
5. Anëtarët e Këshillit Drejtues **mund** të zgjedhën për mandate të njëpasnjëshme.
6. Anëtarët e Këshillit Drejtues mund të shkarkohen para përfundimit të mandatit me shumicë votash të Kuvendit të Shoqatës.
7. Mandati i anëtarit të Këshillit Drejtues pushon: Në rast të vdekjes, dorëheqjes ose shkarkimit nga Kuvendi i Anëtarëve.
8. Në rast të përfundimit të parakohshëm të mandatit të anëtarit të Këshillit Drejtues, Kuvendi i Shoqatës duhet të zgjedh pasardhësin për të shërbyer **me mandat të ri**.
9. Vendimet në Këshillin Drejtues merrën me shumicë votash të anëtarëve prezentë.
10. Këshilli Drejtues mund të vendosë t'i drejtohet për çfarëdo çështje Kuvendit të Anëtarëve për marrje të vendimit.
11. Kurrëfarë pagese ose kompenzimi nuk duhet t'u bëhet anëtarëve të Këshillit Drejtues pa aprovimin e Kuvendit të Anëtarëve dhe vetëm kur pagesa ose kompenzimi është i arsyeshëm dhe bëhet për punën e kryer për organizatë.
12. Asnjë anëtar i Këshillit Drejtues nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Këshillit Drejtues konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.
13. Anëtar i Këshillit Drejtues nëse ka mungua në tri mbledhje të njëpasnjëshme, pa dhënë arsye, propozohet të kalojë me vajtje tek Kuvendi i Anëtarëve të cilët kanë të drejtë për masa të metutjeshme.

Neni 8

Zyrtarët dhe Nëpunësit

1. Në rast nevojë organizata punëson persona që të marrin përsipër kryerjen e detyrave ditore të organizatës.. **Drejtori Ekzekutiv** mërohet nga Kuvendi i Shoqatës.

2. Zyrtarët duhet të punësohen në përputhje me Ligjin e Punës në Republikën e Kosovës, të gjitha të ardhurat dhe të mirat e tjera që duhet t'i paguhet Zyrtares, si dhe obligimet dhe përkrahimin e punës dhe përgjegjësi të Zyrtares. Të gjitha pagesat duhet të jenë të arsyeshme dhe duhet të paguhet vetëm për punën e kryer për organizatë.

Neni 9

Shpërbërja e organizatës

1. Organizata mund të shpërbëhet me vendimin e shumicës së anëtarëve të Kuvendit të Anëtarëve.
2. Kur të vendos për shpërbërjen e organizatës, Kuvendi i Anëtarëve do të tregojë emrin e shoqatës ose fondacionit në Kosovë që do të marrë pasurinë e mbetur pasi të jenë paguar borxhet e organizatës. Shoqata(t) ose fondacioni(et) e zgjedhura duhet të kenë qëllime të njejta ose të ngjajshme sikurse organizata.

Neni 10

Ndryshimet e statutit

1. Statuti i tanishëm mund të ndryshohet me vendimin e dy të tretave e anëtarëve prezentë të Kuvendit të Anëtarëve.

Neni 11

Periudhat e Raportimit dhe Viti Financiar

1. Bordi dhe Zyrtarët e emëruar do të paraqesin raporte vjetore para Kuvendit të Anëtarëve, MPV ose kurdoherë që kërkohet nga një MPJ.
2. Viti financiar i organizatës do të përputhet me vitin kalendarik.

Ky statut është aprovuar në *Prishtine*

Më 20.04.2015

Nga anëtarët e Kuvendit
Ibadete Krasniqi
Rudina Llapashtica
Hajrije Berisha
Mevlyde Beka
Fjorentina Rexhaj



A handwritten signature in blue ink is written over a circular blue stamp. The stamp contains the text "Organizata për fëmijët pa kujdes prindor" around the perimeter, "OFAP" in the center, and "KOSOVË" below it.